

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 05.12.2018թ. թիվ 1808863707 որոշումն անփոփոխ, իսկ վարչական բողոքն առանց բավարարման թողնելու մասին

<< 27 >> 12 2018թ. 17-13-134724-18/17-13-11692

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Սուրեն Թադևոսյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Արմավիրի մարզի Արմավիր քաղաքի Մանուշյան փողոցի 24 տան բնակիչ Սուրեն Թադևոսյանը դիմումով խնդրել է անվավեր ճանաչել Ճանապարհային ոստիկանության վարչական տույժ նշանակելու մասին 05.12.2018թ. թիվ 1808863707 որոշումը՝ նշելով, որ իրավախախտումը կատարել է ծայրահեղ անհրաժեշտությունից ելնելով:

Դիմումի քննարկման արդյունքում պարզվել է, որ դիմումատուի փաստարկը վարչական ակտը բեկանելու հիմք չի կարող հանդիսանալ՝ հետևյալ պատճառաբանությամբ.

Դիմումատուն ըստ էության ընդունում է Ճանապարհային ոստիկանության վարչական տույժ նշանակելու մասին 05.12.2018թ. թիվ 1808863707 որոշման իրավաչափությունը և դրանք վիճարկում է միայն իրավախախտումը ծայրահեղ անհրաժեշտության վիճակում կատարած լինելու հիմքով՝ չներկայացնելով պահանջը հիմնավորող որևէ էական ապացույց:

Վարչական իրավախախտումների վերաբերյալ ՀՀ օրենսգրքի 17-րդ հոդվածի համաձայն՝ դիմումատուի կողմից թույլ տրված վարչական իրավախախտումները կարող են համարվել ծայրահեղ անհրաժեշտության վիճակում կատարված, եթե դրանք կատարվել են մի այնպիսի վտանգ վերացնելու համար, որը տվյալ հանգամանքներում չէր կարելի վերացնել այլ միջոցներով:

«Վարչարարության հիմունքների և վարչական վարույթի մասին» օրենքի 43-րդ հոդվածի 3-րդ մասի համաձայն, եթե նույն հոդվածի 1-ին մասի «բ» կետով նախատեսված դեպքում վարչական մարմնի կողմից քննարկվող փաստական հանգամանքների վերաբերյալ տվյալներին (տեղեկություններին) վարչական մարմինը կարող է իրազեկ դառնալ բացառապես տվյալ անձի միջոցով, ապա ապացուցման պարտականությունը դրվում է այդ անձի վրա:

Դիմումատուի կողմից դիմումին կից ներկայացված «Հարիշատ (Արամ) Մարտինի Մկրտչյանի անվան Արմավիրի բժշկական կենտրոն» ՓԲԸ-ի կողմից տրված տեղեկանքը իրավախախտումը ծայրահեղ անհրաժեշտության վիճակում կատարելը հավաստող ապացույց դիտարկել հնարավոր չէ, գործով այլ ապացույցներ չեն ներկայացվել:

Ելնելով վերոգրյալից, նկատի ունենալով, որ դիմումատուի կողմից չեն ներկայացվել իր համար բարենպաստ փաստական հանգամանքների առկայության վերաբերյալ ապացույցներ և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 05.12.2018թ. թիվ 1808863707 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Սուրեն Թադևոսյանին:



Ե.Կարապետյան